



Më
Data 06-04-2018

GJYKATA THEMELORE NË FERIZAJ-DEPARTAMENTI I PËRGJITHSHËM-DIVIZIONI PENAL, me gjyqtarin Elmaz Zenuni dhe zyrtarin ligjor Gazmend Bytyqi, në çështjen penale kundër të akuzuarit [REDAKTUAR] nga fshati [REDAKTUAR] Komuna e Ferizajt, i akuzuar me aktakuzën e Prokurorisë Themelore në Ferizaj PP/II.nr.1642-1/2015 të dt. 18.10.2017, sipas së cilës e ka kryer veprën penale rrezikimi i trafikut publik nga neni 378 par pik 6 lidhur me par.1 të KPRK-së duke vendosur rreth kërkesës për dhënie e urdhërit ndëshkimor, pa e mbajtur shqyrtimin gjyqësor, më dt. 20.02.2018 merr:

AKT GJYKIM

APROVOHET kërkesa e Prokurorisë Themelore në Ferizaj PP/II.nr. 1642-1/2015 të dt. 18.10.2017, dhe gjykata jep këtë:

URDHËR NDËSHKIMOR

I akuzuari: [REDAKTUAR] nga fshati [REDAKTUAR] Komuna e Ferizajt, i lindur me datë, [REDAKTUAR] në të njejtin vend, nga i ati [REDAKTUAR] shtetas i Republikës së Kosovës, mbrohet në liri.

ËSHTË FAJTOR

Sepse me datë 07.09.2017 rreth orës 15:45, në rrugën publike "Epopeja e Jezercit" në Ferizaj, duke drejtuar automjetin e udhëtarëve të tipit "VW 247" me targa të regjistrimit [REDAKTUAR] në kundërshtim me nenin 55 par.1 të LRRTRR-së, pa u bindur se do të rrezikoj pjesëmarrësit e tjerë në komunikacion e duke mos përshatur shpejtësinë e lëvizjes së automjetit dhe kushteve të rrugës, ashtu që me të aaritur afër pompës së benzinës "Lindi" duke mos mbajtur distancën e mjaftueshme me automjetin i cili ishte në lëvizje para

tij nga pakujdesia me pjesën e përparme e godet në pjesën e pasme automjetin e tipit "Fiat" me targa të regjistrimit të cilin e drejtonte [REDAKTUAR] nga fshati [REDAKTUAR] Komuna e Ferizajt, ku pos dëmeve materiale në të dy automjetet, lëndime të lehta trupore me pasoja të përkohëshme pësojnë: [REDAKTUAR], [REDAKTUAR] dhe [REDAKTUAR] të përshkruara në Ekspertizën mjeko ligjore të dt.10.10.2017,-

- me të cilën kreu veprën penale rrezikimi i trafikut publik nga neni 378 par pik 6 lidhur me par.1 të KPRK-së,

Andaj, gjykata në bazë të neneve: 4, 7, 17, 41, 43, 46 dhe 73 të KPRK-së dhe neneve 365 e 495 të KPPRK-së i shqipton:

DËNIM ME GJOBË

Të akuzuarit [REDAKTUAR], i shqiptoi dënimin në shumën prej 200 € (dyqind Euro), të cilën shumë i akuzuari obligohet ta paguaj në afat prej 15 ditësh, nga dita e plotfuqishmërisë së këtij aktgjykimi.

Nëse dënimi me gjobë nuk mund të ekzekutohet në format tjera sipas nenit 46 par.3 të KPRK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Gjykata të dëmtuarit : 1. [REDAKTUAR], 2. [REDAKTUAR] nga Ferizaji, Rruga" [REDAKTUAR] nr [REDAKTUAR] dhe [REDAKTUAR] nga fshati [REDAKTUAR] Komuna e Ferizajt, për realizimin e kërkesës pasuroro-juridike i udhëzon në kontest civil.

Obligohet i akuzuari që në emër të shpenzimeve procedurale 90.88 € dhe paushallit gjyqësor të paguaj shumën prej 20 €, në afat prej 15 ditëve, nën kërcënimin e përmbarimit të dhunshëm.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarimit të dhunshëm.

A r s y e t i m

Prokuroria Themelore në Ferizaj me aktakuzën PP/II.nr. 1642-1/2017 të dt. 18.10.2017, ka akuzuar [REDAKTUAR] nga fshati [REDAKTUAR] Komuna e Ferizajt , për veprën penale rrezikimi i trafikut publik nga neni 378 par pik 6 lidhur me par.1 të KPRK-së dhe të njëjtën ditë ka parashtruar kërkesën për dhënien e urdhrin ndëshkimor kundër të akuzuarit me arsyen se ka prova të besueshme që vërtetojnë kryerjen e kësaj vepre penale nga i njëjti.

Gjykata gjatë shqyrtimit paraprak të aktakuzës dhe kërkesës për dhënien e urdhrin ndëshkimor, në vështrim të nenit 495 parag.1, 2 dhe 3 të KPPRK-së, gjeti se janë plotësuar kushtet ligjore për aprovimin e kërkesës për dhënien e urdhrin ndëshkimor.

Nga provat materiale të bashkëngjitura në shkresat e lëndës gjegjësisht konstatimin e Ekspertit mjeko ligjor i dt.10.10.2017, mendimi i Ekspertit të komunikacionit i datës 19.05.2017, raporti mjekësor nga Qendra Emergjente – Spitali në Ferizaj nr.30675, 30674 dhe 30800 dt.07.09.2017, si dhe fotografitë të cilat gjenden në shkresat e lëndës, gjykata ka konstatuar se këto prova janë të bazuara dhe bindëse, sepse vërtetojnë që i akuzuari e ka kryer veprën penale për të cilën akuzohet, andaj gjykata e shpalli fajtor dhe i shqiptoi dënimin me gjobë si në dispozitiv të këtij aktgjykimi.

Gjykata, konform nenit 463 par.1 lidhur me par 3 të KPPRK-së të dëmtuarit: 1. [REDAKTUAR], 2. [REDAKTUAR] nga Ferizaji, Rruga [REDAKTUAR] nr. [REDAKTUAR] dhe [REDAKTUAR] nga fshati [REDAKTUAR] Komuna e Ferizajt, për realizimin e kërkesës pasuroro-juridike janë udhëzuar në kontest civil.

Konform nenit 450 par.2.6 të KPPK-së obligohet i akuzuari që në emër të shpenzimeve gjyqësore të paguaj shumën prej 90.88 Euro, si dhe paushallin gjyqësor në shumën prej 20 €, të gjitha këto në afat prej 15 ditëve nga dita e plotfuqishmërisë së këtij aktgjykimi.

Njashtu, Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.


Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ

P.nr.2616/2017, dt. 20.02.2018

**Zyrtari Ligjor
Gazmend Bytyqi**

**Gjyqtari,
Elmaz Zenuni**



UDHËZIM JURIDIK:

Kudër këtij aktgjykimi lejohet kundërshtimi në afat prej 8 ditësh, nga dita e pranimit të dërgesës së njëjtit, gjyqtarit të vetëm gjykues të kësaj gjykate, përmes kësaj gjykate.

Pas skadimit të afatit të lejuar për kundërshtim, urdhëri ndëshkimor bëhet i plotfuqishëm dhe ekzekutohet dënimi i shqiptuar.